

In Honorem  
Ecclesiæ Gallo-londinensis  
Sub auspiciis gratiosissimis  
Serenissimi Potentissimique Monarchæ  
**CAROLI II.**

Stabilitæ  
In sacello S A B A U D I E N S I.

---

<sup>K</sup>Carmen Panegyricum  
Per *Pb. Forrestum* M. D. *Burgundum*  
elucubratum.

---



---

Londini, MDCLXVI.

11408.c 1.8

In Honorem  
Ecclesiæ Gallo-londinensis  
Sub auspiciis gratiosissimis  
Serenissimi Potentissimique Monarchæ  
**CAROLI II.**  
Stabilitæ  
In sacello S A B A U D I E N S I.

---

Carmen Panegyricum  
Per *Pb. Forrestum* M. D. Burgundum  
elucubratum.

---



---

Londini, MDCLXVI.

In honorem

Ecclae Gallo-Belgicae

Sob auspicio gratissimis

Strenuissimi Potentissimi, Monarchae

CAROLI II.



Caroli I. et II. Regum  
et Johannis M.D. Regis  
electoratus.



Londoni, MDCLXVI.



Nobilissimo , Generosissimoque Heroi  
Domino

**Hugh de Colerane,**

Omnimodis Virtutum generibus instru-  
ctissimo ,

Nec non Literarum Fautori valdè Be-  
neficio , &c.

Mobilis, et ceterismodum Heroi

to



Habere Solerane

Quinimodes Vintum genibus infir-

Nec non Literarum Fano valde be-  
nifico, &c

In Honorem *ECCLESIAE GALLICANÆ*  
*SABAUDIÆ* Stabilitæ sub auspiciis

*Invictissimi & semper Augusti*

**CAROLI SECUNDI**

*Magne Britannie Regis, & Fidei propagatæ*  
*Defensoris.*

**Q**UIS mihi *Franciaci* pandet *Sacraria Pindi* ,  
 Aut *Apennino* rapiet de vertice ramos ?  
 Quisve *Pyrenæi* referabit culmina collis ,  
 Aut, *Fontes, Nemanse* tuos ? ut *Apolline* plenus  
 Ipse , *Sacerdotis* divino nomine , condam  
*Lombardo* , *Delubra* meo ; cumulemque , perennè  
*Gratus* , odorifero laudum libamina *Mundo* .  
 Ecce ! *Novem* properæ veniunt ad vota *Sorores* ,  
 Unde *repentinus vates* , mea munia linquo  
*Nota* , *Machaoniis* excussis pectore curis ;  
*Remigioque* *Tuæ Famæ Lombardæ* , *Poeta*  
*Tollor* , & *Andræum* spirant præcordia *Phæbum* .

Fallor ? an incipiunt sensim, Viridaria, Saltus,  
 Et Nemora alta jugis cæcos aperire recessus  
*Forrestum* complexa suum, quo vate, vigentes  
*Sylvæ Hederas*, & Serta dabūt, quibus aurea cingāt  
 Tempora *Lombardi*, *Fragrumq;* in sæcula Nomen.  
 Anglia blanda meis gratatrix annuat ausis,  
 Et Nova frondiferas *Forrestria* proferat Ornos,  
 Unde Pyras *Carolo Augusto*, *Fratrique* \**Jacobo*,  
 \**Gilbertoque* Patri, \**Morleyo* &, rite colendis  
*Durelli* Dominis, *Lombardi*, & rite Patronis,  
 Et \**Northantonio*, \**Sunderlandoque*, Dynastis)  
 Ædificem, & vasto manifestem Nomina Mundo.  
 Pectora cum portis diffusa *Britannia* pandat;  
 Priscaque Saxonidum Tu *Southantonia* Regum  
 Aula diù, latere, Tua & *Wintonia* tecum;  
*Præfulis* eximii, quà, lata *Diaecesis*, agros  
 Prospicit innumeros; Quo Præfule, Terra, priorem  
 Non vitæ pietate tulit; nec fortè futura  
 Posteritas visura parem: Cui corde sub uno  
 Tot Dotes fecere favos, ubi nescia fraudis

Simpli-

Simplicitas, Candorque placens, & Gratia Fandi  
Cum miti Gravitate coit, conjunctaque magno  
Pectore, munificæ par Indulgentia Dextræ.

O Præsul, Populiq; Parens! Tibi gratulor Heros,  
*Morleyadum* qui grande genus, Meritisq; Penates  
Auctius illustras veteres. Tibi gratulor inquam,  
Quod *Durellus* amor *Britonum*, *Gallisq;* voluptas  
Sub vestrâ est Dirione satus; quâ *Fersia* sedem  
Ostendit *Cart' rete* Tuam. Tu Magne \**Georgi*  
*Carterete*, decus Patriæ, Patrisque *Philippi*  
*Militis*, expressum Specimen, quoq; Nobilis Icon;  
Excipe votivum, placideque amplectere Vatem  
Desperabundum tantas attingere laudes.  
Nempe ego dum vestrum Nomen sublime, *Georgi*,  
Et *Patris* Meditor, primis confundor in ausis;  
Officio stat dextra stupens, calamusque fatiscit,  
Concolor & vacuæ pallens facundia chartæ.  
O Pater, & Fili! *CAROLORUM* fida *Duorum*  
Sydera, & in mediis fælicia fulcra ruinis!  
Quum trux impietas, & cruda rebellio *Reges*  
A 2 De-

Detrusit folio *Geminos*, *Primoque* Securi  
 Percusso *Carolo*; nec quicquid in Orbe, *Secundo*  
 Permissum Telluris erat, quâ fessa levaret  
 Tempora, vel tutos poterit componere nidos:  
*Jersa* præ cunctis fortunatissima Regnis,  
 Extorrem suscepit, amans, *Te*; *Patre Tuoque*  
*Solivagis*, patulas, *Sociis* præbentibus, ædes.  
 O miræ Pietatis amor! Benefactaque seri  
 Digna recordari fidis Annalibus ævi.

Nec satis est gaudere semel. Tibi *splendide Præsul*  
 (Qui decor es *Mitra*, nec non \**Periscelidis* idem)  
 Gratulor ipse iterum, nomenq; ad nubila pandam,  
 Quod meus *Andræus*, Te confirmante, *Minister*  
*Prodiit in Sacris*; ut cum Pastore vèrendo  
*Durello* par Pastor amans, audiret uterque  
 Lumen Evangelii, & Divini Fœderis ambo  
 Præcones stabiles. Concordi lege ligati  
 Salvete ô Domini! quibus alma \**Sabandia* R ostrû  
 Præbuit, Ingenio, quâ, præstantissimus, æquo  
 Moribus, Hospitio par \**Killigrenius* amplo  
 Præsidet

Præfidet ; occiduis nomen memorabile terris.

Heic simul *Ætherei* vivacia semina verbi

Spargitis indigenis *Gallis* , pariterque *Britannis* ,

Qui vos Legatos veluti de Sydere missos

Excepere palam , & toties stupuere loquentes ,

Et promulgantes Magni mandata *Tonantis*. (est

Nec mediocre decus tibi tū *Lombarde* putandū

Evenisse , Comes quum Nobilis Ille loquutum

Audiit \* *Albanus* , votisque invasit amicis

*Concilii* Satrapas , ut heic , *Lombarde* , maneres

Pastor , & officio *Durello* fixus eodem ,

Juncta Ministerii peragatis munia *Galli*.

Sic Comes *Albanus*, sic *Sydera summa* volebant ,

Vos ut *Apostolici* retinentes nomina *Cætus* ,

Alter *Jobannes* , alterque *Andreas* , uterque

Pastor , *Apostolicos* deportaretis honores.

Discite jam *Britones* quantū fælicia vobis

*Sydera* fulserunt , quæ talem fortè dederunt

Pastorem , qualem non sæcula prisca priorem ,

Nec cernent ventura parem ; Cognoscite vobis

Grande



Grāde Beneficiū, & sit quis, quoq; quātus habēdus  
 Discite, *Lombardum* mediisque admittite fibris.  
 Ille est, præ cunctis, quem præstantissima *Terris*  
*Gallia* nutribat, primæuo & lacte fovebat,  
 Exultansque suo gens *Nemausensis* Alumno.  
 Jactitet *Arpinum*, Binos se fortè tulisse  
 Terrarum ingentes Dominos; & *Mantua* Mater  
*Virgilium* peperisse suum. Discorditèr urbes  
 Contendant septem, dubièque querantur, *Homero*  
 Quis cunas donabat ager. Prædives Honorum,  
 Et custoditrix cumulatae *Gallia* gazæ  
 Jactitet æternū, & potiori lege triumphet  
*Borbonios* peperisse Duces, summosque Monarchas  
*Borbonidum* de stirpe satos. Sua *Gallia* jactet  
*Condaeos*, *Crequeios*, *Richeleios*, atque *Turenū*  
 Magnanimum, strati metuendum fulmen *Iberi*.  
 Illa Philosophiæ Dominos ostendet, & unum  
*Cartesium* gemini referantem Scrinia Mundi.  
*Gallia* *Comminios* jactet, Dominosque potentes  
 Historiæ, & magnum superantem fata *Tbuanum*.  
 Illa



Illa *Macbaonis* instructos clariùs herbis  
 Jactet honoratos Medicos, præque omnibus unum  
 Summum *Fernelium*, famâque ingente *Duretum*,  
 Et *Riolanos* Patrem, *Gnatumque* stupendos;  
 Nec non *Hollerium* doctum, *Gallique Galenum*  
*Syderis* immensum celebrandum in sæcla *Patinum*,  
*Courtesiumque* suum, & nostro de stemmate *Serrem*,  
 Deque meo propiùs *Guidæum* sanguine ductum.  
 Illa Theologiæ Dominos, aciemque minacem  
 Jactet, & armatas, servatâ pace, phalanges;  
 Fulcra Reformatæ fidei; contraque *Gigantes*  
*Romanos, clypeata cohors*. Stant fronte *Molyni*  
 Et \**Causaboni* gemini, Duxque *Amyraldus*,  
*Blondæoque* Comes magnus *Dallæus*, & Ille  
*Gacchæo*, quorum, Eloquio cluit alter, honoris  
 Alter ab historiis nomen sublime meretur  
 Tu quoque clare Senex nostris celebrabere chartis  
*Heralde* Eloquio & Calamo fæcundus, & Ille  
 Magnus *Alexander* sublimi Nomine \**Morus*,  
 Inque Reformati natus Miracula Mundi  
 Quorum

Quorum inter numerum prægrandi *Teste Tureno,*  
*Lombardus* memorandus erit, five Ille disertos  
 Exsolvit vatum numeros, five Ille Precando,  
 Mulceat attentos animos, itidemque Docendo  
 Peccati adversus furias, hominesque feroces  
 Fulminet, errantem vitâque illuminet Orbem.

Et quæ tanta fuit pietas mitissime Pastor  
*Nemousum* liquisse Tuum? Quis casus amicus,  
 Aut potius meditatus amor, Te allexit auitis  
 Sedibus, invitum Regum splendere per aulas,  
*Romaneque gregis* fulgentia dona, siuistrâ  
 Accepisse manu, dextraque avertere fronte  
 Quicquid *Evangelicum* praxi impugnaret honorẽ.  
 Sublimis Pietas Supremo proxima Cœlo!  
 Spernere Delicias Patriæ, porrectaque dudum  
 Dona Dynastarum; Fideique Oracula primæ  
 Conservare sinu, totiès licet Illa petita  
 Invidiæ jaculis, cæcoque afflata veneno.  
 O quali *Romana cohors* deferbuit astu!  
 Augurium quantum concepit mente futurum

De studiis, *Lombarde*, Tuis, de Teque, loquutum  
 Te toties mirata Scholis, ubi nobile gliscit  
*Nemausum*, & docto populosa *Lutetia* coetu?  
 Tunc etenim, *Lombarde* dabas manifesta *Senece*  
 Symbola, penè *Puer*, mentitus *Nestora*, ephœbus,  
 Et crudos canis prævertens Dotibus annos.

Mox gryphis longè *Logicis*, nucibusque relictis  
 Ipse redorditis, majora volumina, telis,  
 Moliris, *Primas* retegens ab origine *Causas*.  
 Ingenium mirata tuum est *Academica Pubes*  
 Illa virum selecta cohors; arcana stupendæ  
 Sive Philosophiæ reſeras, doctisve loquelis  
 Discutis occultas, astris fœlicibus, Artes.  
 Tu legis, & pulchram recolis, *Lombarde*, *Pœsim*,  
*Rhetoris* & placidas animo complecteris artes;  
 Unde carens vitio Sermonis regula surgit,  
 Diffluit & cultæ fœlix facundia linguæ.  
 Hinc *dissertandi* subtile paratur acumen,  
 Nascitur & rerum series, & forma locorum.  
 Adde tot humanæ præcepta salubria vitæ,

330 V  
 Dogmata,

P. B. 44

V.

Dogmata, diversis pugnantibus, edita, Sectis.  
 Junge etiam semper *Patientis*, semper *Agentis*  
 Materię fluxus, & Fata regentia Mundum.  
 In Te conveniunt, quicquid, *Lombarde*, vetusto  
 Tradidit *Ægypto Babylon*, *Ægyptus Athenis*.  
 Hos tu cum reliquis gaudes, *Lombarde*, labores  
 Nocturnâ versare manu, versare diurnâ,  
 Sedulus, & prisca Monumenta recolligis ævi.  
 Non aliter mellis stipatrix *Dadala turba*  
 Florentem primis subiit cum floribus hortum,  
 Omnia purpurei populatur germina veris;  
 Nunc violas, nunc Illa thymum, nunc lene papaver  
 Prælibat, mox ferta croci redolentia parvo  
 Crure legit, donec serò jam vespere notas  
 Pulsat onusta fores, & *Cerea Testa* Salutat.  
 Hoc erat (attonitum fama grassante per Orbem)  
 Quod Pater illustris (genio suadente) *Turenus*  
*Lombardum* eligeret præ tot Præconibus unum  
 Ire per extraneum Populum, verbique potentis  
 Voce, Reformandas, vitiis avertere, Gentes.

Hæc tua blanda fuit resolutio, *Magne Turene*,  
 Et generosus amor, *Pietas*, & nobilis, erga  
*Lombardum* (Dux Celse) tuum. Ter Nobilis *Heros*!  
 O mihi præ primis Patriæ celebrande Dynastis,  
*Gallorum* Columnen, *Ludovici* Gloria Sceptri!  
 Quæ Regio in terris Vestri non plena lacerti  
 Quæsitam non sensit opem? dum iudice Sole,  
 Testibus aut Stellis, *Gallus* fæliciter alas  
 Latiùs explicuit, Duce Te Divine *Turene*,  
 Noctibus adversos, vel aperta luce laceffans.  
 Inunc! & veterum miratrix Fama laborum,  
*Romulidum* mirere fidem, & præclara *Pelasgi*  
 Nomina Sceptriferi, & raptos Orientis honores.  
 Non *Atyla* fortuna prior; non *Gothica* laurus;  
*Teutonidumve* decus. Non illud *Cæsaris* ingens  
 Nomen, adorando concedat rite *Tureno*;  
 Qui fama exsuperat Satrapas, & solus in omnes  
 Heroas perflare potest, lux Temporis hujus,  
 Militiæque Parens, qui æternum vivet in ævum,  
 Nullaque palmiferos delebunt Sæcla triumphos.

Quis non ad Magni nomen prægrande *Tureni*  
 Longiùs obstupuit ! quæ Terra, vel angulus Orbis  
 Nescius est vestri ? *Boreas* te sensit, & *Anster*;  
 Te *Britones*, *Scotique* colunt ; \* *Douglæsius* ingens  
 Et testis \* *Murraus* erit. Te sensit *Iberus*  
*Terribilem*, *Mitemque* simul. Te stellifer *Atlas*,  
 Eosque Tuo turbatur Nomine *Ganges* :  
 Nec vetus *Ægides* majoribus audiat actis  
 Clarior, Ille licet *Lapithas*, & *Cressus* totum  
 Mastrit monstra, & *Stygium* concusserit *Orbem*.

Nec *Te*, præteream *Patru* tu cura *Tureni*  
*Marchio* \* *Blancforti*, cui *Fortia Facta*, *venusto*  
 Conveniunt ritè *Titulo*, dum pectus adinstat  
 Rupis inaccessæ, nullo penetrabile telo  
*Te Fortem* docet esse *Ducem* ; nec nomen inane  
 Lactea *Liligeri Ludovicus* Gloria Sceptri  
 Impoluit meritis, jam tot splendentibus impar.  
 O quantum à Patriâ, Tu Præstantissime vestrà  
*Marchio* diligeris ? Quantum coluere *Britanni*  
 Te nostri, quanto & precio, Dux magne, *Britanni*  
 Majores



Majores coluere Tuos? discrimine belli  
 Cujus opem sensere parem, nil tela timentes,  
 Fidaque pro *Briticis* opponere pectora Muris.  
 Nec vester minor audit amor, Celeberrime Ductor  
*Marchio*, Belligerans pro Magno Rege *Britanno*,  
 Cumq; *Duce Eboraco* per aperta pericula tendens,  
 Publica privatae præponis cominoda vitæ.

O *Dux Eboraci*! Indigenæ Tibi quanta *Britanni*  
 Munera, quanta Tibi persolvēt *Natio Galla*?  
 Nescio quid primū mirer, quōd turbine Regni,  
*Æquora*, & indomitos fluctus, tumidasve procellas  
 Straveris, & placidis cursum direxeris *Anglis*.  
 O quoties *Gallo* steteras *Tyrinthus* Orbi!  
 Quum tot Centauri, debellatique Dracones,  
 Totq; renascentes alternis cladibus hydræ  
 Deletæ, paribus, sub *Te*, cecidere triumphis.  
 O quoties tumidas memorando Marte Phalanges  
 Circumagens, nudata suis vaga rura Colonis,  
 Et circumfessos viduasti Milite montes,  
 Celsa supinatis sternens munimina claustris!

O utinam mihi scribenti par fulmen adesset  
 Quod *Tibi* pugnanti fuerat, quum sanguine sparsus  
 Cælorum, & diri laudando in pulvere campi  
 O brutus, attonitos longè bacchatus in agros,  
 Fulguris in morem, rapidis quod nubila flammis  
 Terruit, aut celsam Rhodopæio in vertice Pinum,  
 Aut *Atbon* Eoas assuetum ferre carinas  
 Caucasæasve nives, Pangææq; culmina rumpit :  
 Talis in oppositos *Dux Belliger* irruit hostes  
 Victor, ubique vagæ sternens glomeramina turbæ.

Sed non *Anglorum*, *Dux Admyralde*, trophæis  
 Stat Tellus satis ampla Tuis: comes ergo laborum  
 Unda ruit vestri toties tutela *Tridentis*,  
 Et *Ducis Eboraci* resonans per Cœrula famam.  
 Tunc etenim Tu *Dux aderas*, quum Turba *Britāna*  
 Intremuit fibris, & Publica Causa timendi  
 Excussit nostros de longo rure Colonos :  
 Tum *Batavæ* crevere rates; & lignea moles  
*Textellicas* oppressit aquas, medioque natabant  
 Cædua *Sylvarum*, & Nemorū incrementa, profūdo  
 Tunc



Tunc *Dux Eboracus* fœlicibus obruit ausis ,  
 Et profligata , & mutilata classe , *Britannis*  
 Ille reportabat Palmam , *Batavisque* pudorem.  
 Nec vos conticeam Comites , Qui jure *Jacobo*  
*Magnanimo*, junxistis opem. Tu Cesse \* *Ruperte*  
*Cumbria* quem propriè, majora sed acta per Orbem  
 Majorem monstrare Ducem: tu maxime *Princeps*  
*Germano Augusto* Comes inseperabilis ibas ,  
 Et Tecum Comes ille cluens \* *Sandwichius* Heros  
 \* *Lawsoniusque* potens Patriis jam redditus astris ;  
 Famaque ab *Eboraci* , passo, *Ducis*, alite, \* *Penri*  
*Sublimis*, super astra volans. Dignissime *Penne*  
 Cujus facta fidem superant, nostramque ruentem  
 Ludificant in coepta manum ; nisi forsitan alas  
 Vidtrices *Aquila* , Scripturo ingentia gesta ,  
 Suppeditare velint. Sed dum tuus *optimus Hæres*  
 Insignes \* *Gulielmus* adest , ( famæq; Paternæ ,  
 Fortunæque Comes, qui miris dotibus annos  
 Autevenit teneros , graditurq; in sæcla futura  
 Spes vestræ stabilita Domus, columenq; Penatū )  
 Exprimat

Exprimat Ille Tuos Actus , nostrumq; senile  
 Eximat ingenium , tanti moliminis impar.  
 Sed quò me Vatem vestrum, trans *æquora* raptum  
 Transtulit error amans?pandentem carbasa passim  
 Et meritis nova-vela Tuis, Dignissime *Præco*  
*Andræe* , haud uno Mundi , claudende, *Theatro* ?

Tolle coronatas lætatrix *Gallia* cristas  
*Andræo* plausura Tuo; nec totus honores  
 Arroget , à longo , cultus *Dyonisius* , ævo.  
 Nec tutelaris sic *Anglia* clara *Georgi*  
 Nomina jactet ovans ; aut longiùs *Itala* Pubes  
*Antonium* venerata suum. Quid *Iberia* fortis  
 Attollit fastus , genio devincta *Jacobo* ?  
 Aut sic *Patricium* veneratur *Hibernia* Divum  
*Cumbria* vel *Sancto* persolvit vota *Taveyo* ?  
*Scotia* præ Sociis stat præstantissima Nymphis  
 Nomine in *Andræo*. Bellatrix *Scotia* , Gente  
 \* *Brusiadum* valida , peperit quæ Nomine Claros  
 Et \* *Montrossanos* , \* *Monrosiosque* potentes ,  
 \* *Murraeosque* pares , \* *Lauderdalemque* Secundi  
 Delicias

Delicias *Caroli* ; qui tot dispendia *Primo*  
 Pro *Carolo* , perpeſſus etat. *Borealibus* Orbis  
 Gratulor *Herois Dominis* ; vos *Martia Pubes* !  
 Adverſas tolerare vices aſſueta, gravemque  
*Andrei* bene ferre *Crucem*. Vos *Martia Pubes*  
 Cujus geſta diu *Gallas* volitare per oras ,  
 Et totum implerunt meritis præſtantibus Orbem ;  
 Adſpiciſſe *Andream* , Patriiſque aſſiſtite votis.  
 Ille *Britannicas* , ut *Apoſtolus* alter in oras  
 Mittitur , æterni vos Servaturus *Jeſu*  
 Nomine ; & in geminæ ſeſe venerabile Gentis  
 Deposuit Pignus , nec parvi pondus amoris.  
 Audiat inſanæ furialis Turba *Genevæ*  
 Invidiæ liquefacta lue ; Seròque Superbum  
 Sentiat errorem , tali viduata Miniſtro ,  
 Cujus non *Tunicam* digna eſt ea factio demens  
 Vel doctos portafſe libros. Diſpendia ſerò  
 Sentiat illa cohors hominum , ( ſi ritè vocandi  
 Sint homines Illi ) Qui tot de more Ferarum  
 Mutua vulnifico lacerantes viſcera morſu ,

Pacem *Hierarchie* discordi Marte fugârunt.  
 Non ita *Calvinus* docuit ; majorque Magistro  
*Calvino* , qui *Doctôr* erat , civilibus îras  
 Exercere odiis , pulsosque ab ovilibus agnos  
 Cum *Pastore* suo , crebris cruciare querelis.  
 Tu quoque sed (serò) *Lugdune* fatebere *Civis*  
 (Non loquor insignes, quorû mens conscia Recti  
 Constat , & incocto generosum pectus honesto)  
 Sed Te , quæ magni turbâsti vota Senatus  
 Seditiosa cohors ; Tu mœsta fatebere tandem  
 Qualem *Thesaurum* , *Gemmamque* amiseris , Illo  
 Posthabito, *qualem*, nec *Emat* Tua *Byrsa*, vel emptâ  
*Conservet* Mercator inops    *Gadarena* propago !  
 Ite triumphales , Gemmis , ad pabula porcis  
 Sylvestri pro glande, datis. Vicistis Amici  
 Magnanimi ; sociate choros ; ventosq; Pubes  
 Cum lituis , inflata crepet : *Pastorque* triumphet ,  
 Egregias, Dux, inter oves ; nec ab inde , remoto  
*Prelustri Rivale* , novam vereatur eclypsin ;  
 Sed sibi securus , parvo Scintilulet astro ;  
Dum

Dum par *Lombardus Soli* circumvagus Orbem  
Circinet, & magnos accendat luce *Britannos*.

O Pastor dilecte *Deo*! *Christoque* dicite!  
Cujus pascis Oves, & amæno fonte refectis  
Dulcia *Celiffue* disponis pabula *Manne*.  
Nec tua destituit magnæ miseratio mentis  
Palantes pecudes, vacuove reliquit Eremo,  
Obvia Pestiferis quum formidanda sagittis  
Grassata est damnosa Lues; & Millia tanta  
Tam subitos subiere rogos, ut Tempia sepulchris  
Constiterint angusta suis, Terraque Creatis  
Heu! Terra abnuerit, spatiumq; Noverca, negarit  
Qua, nati, tegerentur humo. Tum Cura misellas  
Vestra manebat oves, & amor relevabat Egenos  
Corporeis, Animæq; cibus, ut pastus utrisque  
Coetus abiret ovans; & Quos *Tua Concio* stratos  
Erigeret, *Pietas* Hos circumfusa foveret.  
Quanta ministerio de vestro, Turba reducta  
De vitiis, averfa suis! Dum more Chirugi  
Vulnera tu tractas, & acutum jungis acetum

Melle superfuso ; confractaque corda sinistro  
Fulmine, mulcenti dextrâ, *Lombarde*, mederis.

Sic Tu *Mercurius*, cupidis *Cyllenius*, *Anglis*  
Sydere delapsus, *virgâ* quasi *corrigis* omnes,  
Et *regis* affectus animi ; rapidoque fluentis  
Eloquii Torrente rapis. Cum cortice, Truncum  
Tu totum, *Lombarde*, secas, divulsaque costis  
Viscera scrutaris, verbique potentior ense  
Transadagis, mediisque aperis penetrabile medullis.  
Constitit attonitum vulgus; Procuresque rigabant  
Fletibus ora piis, & tota *Sabaudia* lugens  
Tecum visa loqui, tristesque iterâsse querelas,  
Quum decollati *Caroli*, celebranda quotannis,  
Iusta, parentabas, adeoque coloribus *Umbram*  
Pinxisti vivis; ut mox animata per omnes  
Corporis articulos, solitam sibi sumere carnem,  
Et rediviva suo visa emigrare Sepulchro.  
Barbara tum positis potuit mitescere buccis  
Impietas, confessa Scelus: potuitque furoris  
Pænituisset sui, simili suffusa rubore

Quo



Quo flens irrubuit, *Regali rore*, securis.  
*Annua* sic sacro celebratis *Funera* ritu;  
 Crebraque perficitis repetito *Sabbatha* cursu,  
 Tuque, Tuusq; Comes, Doctus *Durellus*, amico  
 Fœdere concordēs. Clare O *Durelle*, Potentum  
 Deliciæ Regum! Quo Te sub Sydere natum  
 Invidus, Invitusque loquar? *Durelle* duorum  
 Accola Regnorum, vicinis, proxime *Gallis*,  
 Quà breve *Neustriacas* interluit æquor arenas,  
*Armoricosque* sinus. Ast *Sonthantoniam* Natum  
 Te vocet; *Indigenam*, generosq; *Fersia* jactet;  
*Fersia* *Caroleis* moderatrix meta columnis.  
 Provida sic voluit Divina Potentia Cœli,  
 Ut Te divideres passim, Talentaque cordi  
 Credita, partires avido, cum fœnore, mundo,  
 Nec Terra paterere tegi. Regna extera Dotes  
 Noverunt, Pater ample, Tuas, sensère feraces,  
 Et steriles itidem campi successibus æquis,  
 Prodiga Te sacri spargentem semina verbi,  
 Et vepres, fusoque Rosas cum rore rigantem.  
Nec

Nec vitam consumis iners, aut transigis unam  
 Ingratè sine luce diem. Quæ tempora rostro  
 Exigis, impendis studiis. Testabitur illud  
 Gratū opus, ingeniū sapiens, Geniumq; Magistri,  
 Vindice Quo, *Britonum* victrix Ecclesia stabit,  
 Divinos cujus \* *Ritus* ab origine pandens,  
 Fusiū audacem superasti viribus hostem  
 Anonymum, cui insulsa quidem nec nomine nota  
 Scripta, cavernosis damnari digna cloacis.  
 Interea labor, & Tuus ingens sudor Olympo  
 Scribetur supero, dum nil defessus agendo,  
 Par *homines*, *librosque* legis; nec Membra labore  
 Fessa geris; qualis velox vertigine mundus  
 Volvitur assiduè, refluxoque retunditur æstu  
 Oceanus; vel Solis equi rutilantia cursu  
 Sydera circumagunt, & anhelis naribus ardent;  
 Sic Tua perpetuis virtus exercita curis  
 Et labor, & Patriæ vigilatrix cura quieti  
 Assurget vivax, nulloq; abolebitur ævo.

Maæte ergo tu mitis Homo! bonitatis abundās  
 Maæte!



Maſte ! nec amplexu repetito define quaſo  
*Lombardum* redamaſſe Tuum. Concorditer ambo  
 State miniſterio Fratres ; ut *Fœdera* Pacis  
 Unus ad extremum conſervet *Spiritus* ævum.  
 Interea unanimēs, noſtro indulgeſce Labori ,  
 Et vati facilem votivo, extendite vultum ,  
 Et parvū hoc magni monumentū, & pignus amoris  
 Accipitote pares. Utinam memorabilis Anglis  
 \**Cowley* vates laudes in carmine veſtras  
 Neſceret , Angliaci dignas annalibus orbis ;  
 Aut *Carolorum* alter clariffimus aulicus ille  
 Et Comes *Amborum* , par \**Killegrenius*, ingens ,  
 Ingenio, Genioque ſuo , Qui Drammatis omnes  
 Explevit partes , *Senecam*, *Plautumque* vetuſtum  
 Tranſtulit Angliaco, renovata fronte, Theatro.  
 O utinam vir tantus , opem qui ſemper Egenis  
 Diſtenditq; manum , veſtra in Præconia linguam  
 Exerceret amans , utinam & \**Denhamus* honorus ;  
 Signifer eximius vatum ; aut \**Wallerus* Apelles ;  
 Aut Eques \**Howardus*, Muſiſve \**Drydenus* amænus  
 Cum

Cum \* *Stapyliono*, ingenio quoq; stemmate claro,  
 Cantassent meliore chely ; & vernacula linguæ  
 Carmina, Nativis narrassent nostra Britannis.  
 Ut vos vel digito, aut monstraret pollice quisque ,  
 Deque Colonorum tanto grege, nemo maneret  
 Qui non *Durelli* ; non *Lombardique* stupendi  
 Nomina submissè coleret ; celebranda per Orbem  
 Nomina ; & Angliaco præsentia *Numina* Mundo.

28 MR 59

---

**FINIS.**

---

,  
t  
n  
o.